



蘇廷碩集卷上

賦

長樂花賦

并序

蜀太守庭際有紫花草秋中始繁英露洗冬早尚
直本霜封蕪雜大同於衆卉盛衰小異於群物余
訝而未識吏或告余曰此長虞所賦蜀長樂花也
故心暗賞焉因口授書吏遂墨而成作恨不見古
人所爲得髣髴其旨爾夫長者以短長之形度其
長則至美夫樂者以哀樂之類同其樂則至喜長
也樂也吾安得而間之嘉纖植之並用偉令名兮

在茲徒見其豐簇莽尊高標璀璨莖丹外而縞中
葉縹分以紅貫綴綠頰之重疊縈紫蕤之爛熳迫
而象之君子其常或微或章聳危冠兮纓若綬默
退靜其何望遠以意之佳人欲翔炫炫煌煌重羅
綺兮撲搖翠蹇來思而未嘗匪以幽兮自直匪以
直兮自藏匪以晚兮自耀匪以耀兮自強文濁露
之均灑庇清舒之泛光本無嫌於散地甘有寓於
殊方然則太液初滿上林新霽芊茸的皪萬品千
計搖瑞色而涵芝雜奇葩而轉蕙孰與夫玉堂金
閣之徧賞白日青春之持麗歲不與兮時向闌風

蕭蕭兮夜漫漫賓遠鴻於沙塞叫離鶴於江干君
曾不見三月華矣盡林間之槁木千霜殞矣亦庭
下之枯蘭懿此常度凌於早寒假春期而著彩雖
秋令而不殘衝雨霰之飛薄伍雲山之險難芳弗
珍於霍靡節恒慕於檀欒吾則知樹背之奚託惟
傾心之可安如後凋之是貴罔獨立其誰觀文學
椽起而爲亂曰

白露瀼瀼何草不黃紫花灼灼生君之堂彼不伐
兮秋自翳時或珍兮君是惠彤庭赫兮朱草駢交
屈軼兮友賓連伊榛莽而荒些君何爲而賦旃

五言雜詩

奉和聖製送赴集賢院

肅肅金殿裏招賢固在茲鏘鏘石渠內序拜亦同時
宴錫勸談道文成貴說詩用儒今作相敦學舊爲師
下際天光近中來帝渥滋國朝良史載能事日論思

奉和聖製過晉陽宮應制

隋運與天絕生靈厭氛昏聖期在寧亂士馬興太原
立極萬邦推登庸四海尊慶膺神武帝業付皇曾孫
緬慕封唐首追惟歸沛魂昭書感先義典禮

巡舊藩高殿綵雲合春旗祥風翻率西見汾水奔
北空塞垣欵曲童兒佐依遲故老言里頌慈惠賞
家受復除恩下輦崇三都建碑當九門孝思敦至
美億載奉開元

奉和聖製登蒲州逍遙樓應制

在昔堯舜禹遺塵成典謨聖皇東巡狩况乃經此
都樓觀紛迤邐河山幾縈紆緬懷祖宗業相繼文
武圖尚德旣無險觀風諒有孚豈如汾水上簫鼓
事遊娛

奉和姚令公溫湯舊館永懷故人盧公之

作

樹德豈孤邁降神良並出偉茲廊廟中調彼鹽梅
實正悅虞垂舉翻悲鄭僑卒同心不可忘交臂何
爲失清路荷前幸明時稱右弼曾聯野外遊尚記
帷中密新慟情莫遣舊遊詞更述空令還和辱長
感知音日

和杜主簿春日有所思

朝上高樓上俯見洛陽陌搖蕩吹花風落英紛已
積美人不共此芳好空所惜攬鏡塵網滋當窓苔
蘚碧緬惟在雲漢良願睽枕席翻似無見時如何

久爲客

餞郢州李使君

楚有章華臺遙遙雲夢澤復聞擁符傳及是收圖
藉佳政在離人能聲寄侯伯離懷朔風起試望秋
陰積中路悽以寒群山靄將夕傷心聊把袂悵望
騏驎客

曉濟膠川南入密界

飲馬膠川上傍膠南趣密林遙飛鳥遲雲赤晴山
出落暉隱桑柘深秋尚花實慘然遊子寒風露將
蕭瑟

蘇廷碩集卷上
四
夜發三泉即事

暗發三泉山窮秋聽騷屑北林夜鳴雨南望晚成
雪秣詠北風涼詎知南土熱沙溪忽沸渭石道乍
明滅宛若銀磧橫復如瑤臺結指程賦所戀遇虞
不遑歇重續濡莫解懸旌東猶揭下奔泥棧楮上
覲雲梯設搏頰羸馬頓回眸喘人跌憧憧復往還
心注思愈切冉冉年將病力困衰怠竭天彭信方
隅地勢誠斗絕太叟尚書履叨兼使臣節京坻有
歲饒亭障無邊孽歸奏丹墀左騫能俟來慙

小園納涼即事

煩暑避鬱蒸歸閑習高明長風自遠來層閣有餘
清散灑納涼氣蕭條遺世情奈何誇大隱終日繫
塵纓

閑園即事寄贈韋侍郎

結廬東城下直望江南山青靄遠相接白雲來復
還拂筵紅蘚上開幔綠條間物應春偏好情忘趣
轉間憲臣饒美政聯事惜徂頰有酒空盈酌高車
不可攀

昆明池晏坐荅王兵部珣三韻見示

畫舸疾如飛遙遙泛夕暉石鯨吹浪隱玉女步塵

歸獨有銜恩處明珠在釣磯

七言古詩

長相思

君不見天津橋下東流水南望龍門北朝市場柳
青青宛地垂桃紅李白花參差花參差柳堪結此
時憶君心斷絕

五言律詩

題壽安王主簿池館

洛邑通馳道韓郊在屬城館將花雨映潭與竹聲
清賢俊鸞栖棘賓遊馬佩衡願言隨狎鳥從此濯

吾纓

立春日侍宴內出剪花綵應制

曉入宜春苑穠芳吐禁中剪刀因裂素粧粉爲開
紅彩異驚流雪香饒點便風裁成識天意萬物與
花同

九日侍宴應制得時字

嘉會宜長日高遊順動時曉光雲外洗晴色雨餘
滋降鶴因韶得吹花入御詞願陪陽數節億萬九
秋期

奉和聖製登驪山高頂寓目應制

仙蹕御層氲高高積翠分
崑崙聲中谷應天語半空
聞豐樹連黃葉函關入紫雲
聖圖恢寓縣歌賦少橫汾

扈從溫泉春和姚令公喜雪

清道豐人望乘時漢主遊
恩暉隨霰下慶澤與雲浮
泉暖驚銀磧花寒愛玉樓
鼎臣今有問河伯且應留

奉和聖製人日清蹕閣宴群臣遇雪應制

二首

樓觀空煙裏初年瑞雪過
苑花齊玉樹池水作銀

河七日祥圖啓千春遇賞多
輕飛傳綵勝天上奉

薰歌

二

平明敞帝居霰雪下陵虛
寫月含珠綴從風薄綺
疏年驚花絮早春應管絃
初已屬雲天外欣承霈
澤餘

奉和送金城公主適西蕃應制

帝女出天津和戎轉綺輪
川輕斷腸望地與折走
隣奏曲風嘶馬街悲月伴人
旋知偃兵革長是漢
家親

蘇詩集卷上
幸白鹿觀應制

碧虛清吹下藹藹入仙宮松磴攀雲絕花源接澗
空受符邀羽使傳訣駐香童詎似閒居日徒聞有
順風

秋社日崇讓園宴得新字

鳴爵三農稔勾龍百代神運昌叨輔弼時泰喜黎
民樹缺池光近雲開日影新生全應有地長願樂
交親

奉和魏僕射秋日還鄉有懷之作

南宮夙拜罷東道正遊初飲餞傾冠蓋傳呼問里
閭樹悲懸劍所溪想釣魚途清發輝光至增榮四
馬車

武檐山寺

武檐獨蒼然墳山下玉泉龜趺時共盡龍女事同
遷松栢銜哀處幡花種福田詎知留鏡石長與法
輪圓

錢潞州陸長史再守汾州

河尹政成期爲汾昔所推不榮三入地還美再臨
時擁傳雲初合聞鷺日正遲傍人多出餞別有吏
人思

蘇建初集卷五
錢荊州崔司馬

茂禮雕龍昔香名展驥初水連南海漲星拱北辰
居稍發仙人履將題別駕輿明年徵拜入荆玉不
識諸

送吏部李侍郎東歸

陌上有光輝披雲向洛畿賞來榮扈從別至惜分
飛泉溜含風急山煙帶日微茂曹今去矣人物喜
東歸

送光祿姚卿還都

漢室有英台荀家多寵才九卿朝已入三子暮同
來不授綸爲草還司鼎用梅兩京王者宅駟馬日
應迴

春晚送瑕丘田少府還任因寄洛中鏡上人

聞道還沂上因聲寄洛濱別時花欲盡歸處酒應
春聚散同行客悲歡屬故人少年歸樂地遙贈一
霑巾

送賈起居奉使入洛取圖書因便拜覲

舊國才因地當朝史命官遺文徵缺簡還思採芳
蘭傳發關門候觴稱邑里歡早持京副入旋佇洛

書刊

送常侍舒公歸覲

朝聞講藝餘晨省拜恩初
訓胄尊庠序榮親耀里閭
朱丹華轂送班白綺筵舒
江上春流滿還應薦躍魚

興州出行

危途曉未分驅馬傍江濱
滴滴泣花露微微出岫雲
松梢半吐月蘿翳漸移曛
旅客腸應斷吟猿更使聞

奉和七夕燕兩儀殿應制

靈媛乘秋發仙裝警夜催
月光窺欲渡河色辨應來
機石天文寫針樓御賞開
竊觀棲鳥至疑向鵲橋迴

春日芙蓉園侍宴應制

御道紅旗出芳園翠輦遊
繞花開水殿架竹起山樓
荷芰輕薰幄魚龍出負舟
寧如穆天子空賦白雲秋

贈司徒竇盧府君挽詞

寵贈追湖廣親臨比賀循
幾聞投劍客多會服總人
草閉墳將古松陰地不春
二陵猶可望存沒有

忠臣

故右散騎常侍讀舒國公褚公挽歌

陽宅疏豐稱臨平演慶源學筵尊授几儒服寵乘
軒審諭留中密開陳與上言徂輝一不惜空有賜
東園

邊秋薄暮

海外秋膺繫霜前旅鴈歸邊風思鞞鼓落日慘旌
麾浦暗漁舟入川長獵騎稀客悲逢薄暮况乃事
戎機

曉發方騫驛

傳置遠山蹊龍鍾蹶澗泥片陰常作雨微照已生
霓鬢髮愁氛換心情險路迷方知向蜀老偏識子
規啼

經三泉路作

三月松作花春行日漸賒竹防山鳥路藤沒野人
家透石飛梁下尋雲絕磴斜此中誰與樂揮涕語
年華

蘇廷碩集卷上

蘇廷碩集卷下

五言律

奉和聖製登太行山中言志應制

北山東入海馳道上連天順動三光注登臨萬象
懸俛觀河內邑平指洛陽川按蹕夷關險張旗亘
井泉曉巖中警析春事下蒐田德重周王問歌輕
漢后傳宸遊鋪令典虞思起芳年願以封書奏廻
鑾禪肅然

奉和聖製經河上公廟應制

河流無日夜河上有神仙輦路曾經此垓場即宛

然下疑成洞穴高若在空中煙善物遺方外和光繞
道邊事因周史得言向漢王傳嘉屬膺期聖邦家
業又玄

奉和聖製荅張說出雀鼠谷

雨施巡方罷雲從訓俗迴密途汾水衛清蹕晉郊
陪寒看山邊盡春當日下來御祠玄鳥應仙杖綠
楊開作頌音傳雅觀文色動台更知西嚮樂宸藻
叶鹽梅

扈從溫泉同紫微黃門群公泛渭川得齊
字

虹旗映綠萸春使漢豐西侍蹕浮渭道楊船降紫
泥近臨釣石地遙指釣黃溪岸轉帆飛疾川平棹
舉齊傳舟來是用軒馭往應迷興發菱歌動沙洲
亂夕鷺

奉和聖製途次舊居應制

潞國臨淄邸天王別駕輿出潛離隱際小徃大來
初東陸行春典南陽即舊居約川星罕駐扶道日
旂舒雲覆連行在風迴助掃除木行城邑望皋落
土田疏昔試邦興后今過俗俟予示威寧校獵崇
讓不陳漁府吏趨宸宸鄉耆捧帝車帳傾三飲處

閒整六飛餘盛業銘汾鼎昌期應洛書願陪歌賦
末留比蜀相如

奉和恩賜樂遊園宴應制

樂遊光地選醑飲慶天從座密千官盛場開百戲
容綠塍際山盡翠幕倚雲重上下花齊發周迴柳
遍濃奪晴紛劔履喧聽雜歌鐘日晚銜恩散堯人
併可封

奉和聖製幸禮部尚書竇希玠宅應制

尚書列侯第外戚近臣家飛棟臨清綺迴輿轉翠
華日交當戶樹泉漾滿池花圓頂圖嵩石方流擁
魏沙豫游今聽履侍從昔鳴笳自有天文降無勞
訪海查

奉和晦日幸昆明池應制

炎曆事邊垂昆明始鑿池豫遊光後聖征戰罷前
規霽色清珍宇年芳入錦陂御杯蘭薦葉仙仗柳
交枝二石分河瀉雙珠代月移微臣比翔泳恩廣
自無涯

恩制尚書省寮宴昆明池同用堯字

露渥灑雲霄天官次斗杓昆明四十里空水極晴
朝鴈似銜紅葉鯨疑噴海潮翠山來徹底白日去

廻標泳廣漁杖溢浮深妓舫搖飽恩皆醉止合舞
共歌堯

奉制漕橋東送新除岳牧

寶賢不遺俊臺閣盡駕鸞未若安人切其如簡帝
難上才膺出典中旨念分官特以專城貴深惟列
郡安政行思務本風靡屬勝殘有令田知急無分
獄在寬至言題睿扎殊渥灑仙翰詔餞三台降朝
榮萬國歡舉杯臨水發張樂擁橋觀式佇東封會
鏘鏘檢玉壇

秋夜寓直中書呈黃門舅

簾櫳上夜鈎清切聽更籌忽共雞枝老還如騎省
秋循庭喜三友對渚憶雙游紫紱名初拜黃縑迹
尚留月舒當北幌雲賦直東樓恩渥迷天施童蒙
慰我求遲君台鼎節聞義一承流

敬和崔尚書大明朝堂雨後望終南山見
示之作

奕奕輕車至清晨朝未央未央在霄極中路視咸
陽委曲漢京近周廻秦塞長日華動涇謂天翠合
岐梁五丈旌旗色百層粉棹光東連歸馬地南指
鬪雞場晴壑照金 秋雲含璧璫由余窺霸國蕭

蘇及碩集卷一
相奉興王功役隱不見頌聲存復揚權宜珍構絕
聖作寶圖昌在德期巢燧居安法禹湯家卿才順
美多士賦成章價重三臺俊名超百郡良焉知掖
垣下陳力自迷方

奉和馬常侍寺中之作

怨暑時雲謝愆陽澤暫偏鼎陳從祀日鑰動問刑
年絳服龍雩寢玄冠馬使旋作霖期傳說爲旱聽
周宣河嶽陰符啓星辰暗檄傳浮涼吹景氣飛動
灑空煙颯颯將秋近沉沉與暝連分湍涇水石合
穎雍州田德施超三五文雄賦十千及斯何以樂

明主敬人天

奉和崔尚書贈大理陸卿鴻臚劉卿見示
之什

戲藻嘉魚樂棲梧高鳳飛類從皆有召聲應乃無
違美價逢時出竒才選衆稀避堂貽後政掃地發
前幾出曳仙人履還薰侍女衣省中何赫奕庭際
滿芳菲吏部端清鑒丞郎肅紫機會心歌詠是廻
迹宴言非北寺鄰玄闕南城寫翠微參差文隱見
髣髴接光輝賓序嘗柔德刑孚已霽威巨源林下
契不速自同歸

慈恩寺二月半寓言

二月韶春半三空霽景
獻來應有受滅盡竟無
餘化迹傳官寺歸誠謁梵居
殿堂花覆席觀閣柳
垂疏共命枝間鳥長生水
上魚問津窺彼岸迷路
得真車行密幽關靜談精
俗態祛稻麻欣所寓蓬
籜愴焉如不駐秦京陌還
題蜀郡輿愛離方自此
迴望獨躊躇

利州北佛龕前重於去歲題處作

重巖戴清美分塔起層標
蜀守經塗處巴人作禮
朝地疑三界出空是六塵
銷臥石鋪蒼蘚行滕覆
綠條歲年書有記非爲學
題橋

錢趙尚書攝御史大夫赴朔方軍

勁虜欲南飛揚兵護朔垂
趙堯寧易印鄧禹即分
麾野餞迴三傑軍謀出六
奇雲邊愁出塞日下愴
臨岐拔劍行人舞揮戈戰
馬馳明年麟閣上充國
拜於斯

錢澤州盧使君赴任

聞道降綸書爲邦建綵旗
政憑循吏往才以貴卿
除詞賦良無敵聲華藹有
餘榮承四岳後請絕五
天初關路通春壁城池繞
晉墟撰期行子賦分曲

列侯居別望喧追餞離言繫慘書平蕪寒蛩亂喬
木夜蟬踈參沉秋先起推移月向諸舊文何以贈
客至待烹魚

陳倉別隴州司戶李維深

京國自携手同途欣解頤情言正的的春物宛遲
遲忽背雕戈役旋瞻復寶詞蜀城余出守吳岳爾
歸思歡愜更傷此春殷殊念茲揚麾北林徑跂石
南澗湄中作壺觴餞回添道路悲數花臨磴日百
草覆田時有美同人意無爲行子辭酣歌拔劍起
毋是荅恩私

曉發興州入陳平路

旌節指巴岷年年行且巡暮來青嶂宿朝去綠江
春魚貫梁緣馬猿奔樹息人邑祠猶是漢溪道即
名陳舊史饒遷謫怕情厭苦辛寧知報恩者天子
一忠臣

同錢楊將軍兼源州都督御史中丞

右地接龜沙中朝任虎牙然明方改俗去病不爲
家將禮登壇盛軍容出塞華朔風搖漢鼓邊月思
胡笳旗舍無邀正冠危有觸邪當看勞旋日及此
御溝花

蜀城哭台州樂俞少府

遠來躋劔閣長想屬天台
萬里隔三載此邦余重
來音容曠不覩夢寐殊
悠哉邊郡饒藉藉晚庭
正回回喜傳上都封因
促傍吏開向悟海鹽客
已而梁木摧變衣寢門
外揮涕少城隈却記分
明得猶持委曲猜師儒
昔訓獎仲季時童孩服
義題書筐邀歡泛酒杯
暫令風雨散仍迫歲時
迴其道惟正直其人信
美偲白頭還作尉黃綬
固非才可歎懸虵疾先
貽問鵬災故鄉閉窮壤
宿草生寒荻零落九原
去蹉跎四序催曩期冬
贈橘今哭夏成梅執禮
誰爲謂居常不徇財北
登隈螺坂東望姑蘇臺
天路本懸絕江波復泝
洄念孤心易斷追往恨
難裁不遂卿將伯孰云
陳與雷衰殘亦如此夫
子復何哀

夜聞故梓州韋使君明當引紼感而成章
惻矣南鄰問冥然東岱幽里閉寧相忤朝歎忽遷
舟君心惟伯仲吾人復欵遊對連時亦早交喜歲
纔周序發扶陽贈交因司寇酬詎期危霜盡相續
逝川流臥疾無三弔居間有百憂振風吟鼓夕明
月照帷秋蘚駁題詩館楊疎奏妓樓共將歌哭歎

轉爲弟兄留感物存如夢觀生去若浮余非忘情
者雪涕報林丘

先是新昌小園期京兆尹一訪兼郎官數
子自頃沉痾年復一年茲願不果率然成
章

獨好中林隱先期上月春閑花傍戶落喧鳥逼簷
馴寂寞東坡叟傳呼北里人在山琴易調開甕酒
歸醇佇望應三接彌留忽幾旬不疑丹火變空負
綠條新鬪蟻聞常日歌龍值此辰其如衆君子嘉
會阻清塵

扈從鳳泉和崔黃門

輦路岐山曲儲胥渭水湄教成提將鼓禮備植
不取從畋樂先流去殺慈舜韶同舞日湯祝盡
飛時物應陽和施人知雨露私何如穆天子七萃
幾勞師

奉和聖製幸望春官送朔方大總管張仁
亶

北風吹早鴈日夕渡河飛氣冷葭應折霜明草正
腓老臣帷幄算元宰廟堂機餞飲迴仙蹕臨戎解
御衣軍裝乘曉發師律候春歸方佇勳庸盛天辭

降紫微

奉和幸韋嗣立山莊應制

縱金寒墅霽步玉曉山幽帝幄期松子臣廬訪葛
侯百工徵往夢七聖扈來遊斗柄乘時轉台階奉
日留樹重巖瀨合泉迸水光浮石徑喧朝履璜溪
擁釣舟恩如犯星夜歡擬濟河秋不學堯年隱空
令傲許由

七言律詩

廣達樓下夜酺宴應制

東嶽封廻宴洛京西墉通晚會公卿樓臺絕勝宜
春苑燈火還同不夜城正覩人開朝市樂忽聞天
上管絃聲酺來萬舞群臣醉喜戴千年聖主明

人日重宴大明宮恩賜綵樓人勝應制

疏龍磴道切昭回建鳳旗門繞帝臺七葉仙萸承
月吐千株御柳拂煙開初年競帖宜春勝長命先
浮獻壽杯是日最靈知竊幸群心就捧大明來

奉和春日幸望春宮

東望望春春可憐更逢晴日柳含煙宮中下見南
山盡城上平臨北斗懸細草偏承廻輦處輕花故
落舞觴前宸遊對此歡無極鳥弄歌聲雜管絃

興慶池侍宴應制

降鶴池前迴步輦棲鸞樹杪出行宮山光積翠遙
疑碧水態含青近若空直視天河垂象外俯窺京
室畫圖中皇歡未使恩波極日暮樓船更起風

侍宴安樂公主山莊應制

駸駸羽騎歷城池帝女樓臺向曉披霧灑旌旗雲
外出風迴巖岫雨中移當軒半落天河水繞逕全
低月樹枝簫鼓宸遊陪宴日和鳴雙鳳喜來儀

奉和初春幸太平公主南莊應制

主弟山門起灞川宸遊風景入初年鳳凰樓下交
天杖烏鵲橋邊敞御筵往往花間逢綵石時時竹
裏見紅泉今朝扈蹕平陽館不羨乘槎雲漢邊

景龍觀送裴士曹

昔日常聞公相地今時變作列仙家池傍坐客穿
叢篠樹下遊人掃落花雨雪長疑向函谷山泉直
似到流沙君還洛邑分明記此處同來閱歲華

扈從鄠杜門奉呈刑部尚書舅崔黃門馬常侍

翠輦紅旗出帝京長揚鄠杜昔知名雲山一一看
皆美竹樹蕭蕭畫不成羽騎將過持袂拂香車欲

蘇廷碩集卷下
度捲簾行漢家曾草巡遊賦何似今來應聖明

春晚紫微省直寄內

直省清華接建章向來無事日猶長
花間燕子棲鳩鵲竹下鷓鴣繞鳳凰
內史通宵承紫誥中人落晚愛紅粧
別離不慣無窮憶莫誤卿卿學太常

贈彭州權別駕

雙流脉脉錦城開追餞年年徃復迴
祗道歌謠迎半刺徒聞禮數揖中台
黃鶯急轉春風盡班馬長嘶落景催
莫愴分飛岐路別還當最掖垣來

龍池樂章

西京鳳邸躍龍泉佳氣休光鎮在天
軒后霧圖今已得秦王水劔昔常傳
恩魚不似昆明釣瑞鶴長如太液仙
願侍巡遊同舊里更聞簫鼓濟樓船

五言絕句

山鷓鴣詞二首

秋
玉關征戍久空閨人獨愁寒露濕青苔
別來蓬鬢

二

人坐青樓晚鶯語百花時愁多人自老
斷腸君不知

蘇廷碩集卷下
汾上驚秋

北風吹白雲萬里渡河汾
心緒逢搖落秋聲不可聞

七言絕句

侍宴挑花園應制

桃花灼灼有光輝
無數成蹊點更飛
為見芳林含笑侍
遂同澍樹不言歸

重送舒公

散騎金貂服綵衣
松花水上逐春歸
懸知邑里遙相望
樂事生榮代所稀

奉和聖製幸韋嗣立莊應制

樹色參差隱翠微
泉流百尺向空飛
傳聞此處投竿住
遂使茲辰扈蹕歸

夜宴安樂公主宅

車如流水馬如龍
仙史高臺十二重
天上初移漢匹
可憐歌舞夜相從

蘇廷碩集卷下終

虞世南集

賦

琵琶賦

若夫巢木爲金門之始轉蓬乃玉輅之先斯蓋前古之樸畧而後代之精妍是以鼙鼓質而罕用葦籥輕而莫傳笛不僞於商律瑟見毀於繁絃此皆白珪玷以成疾嗟近者之莫言歎知音之不迷惟皇御極書軌大同鑠矣文教康哉武功旣象舞之載設亦夷歌之遠通乃定八音論成六樂均弦謂之藝制氏鏗鏘之學辨新聲於變徵研奇操於清

角鏞管咸奏絲桐畢陳有琵琶之妙曲乃越衆而
超倫器便時而適用節每段而逾新謚四座以傾
耳歎和聲之入神爰詔百辟備序厥因於是大司
樂進而稱曰臣以末學聞諸前志尋斯樂之所始
乃絃鼗之遺事強秦創其濫觴盛漢盡其深致爰
有達人演茲奇器參古今而定質凝神明而攄思
慰遠嫁之羈情寬絕域之歸志旣而班爾運能鈎
繩將設求嘉木於五嶺取殊材於九折剖文梓而
縱分割香檀而橫裂木瓜貞柘盤根錯節或錦散
而花開或絲縈而緒結徒觀其爲狀也則象形斗

極殊姿巧製隨良樸之修短任規模之巨細旣異
才而合體亦刻方而爲銳惟適道以從宜故無取
乎凝滯若乃琢玉範金之巧彫文鏤采之奇上覆
手以懸映下承絃而仰施帖則西域神獸南山瑞
枝屈盤犀嶺迴旋鳳池開寶撥以更運帶文綬而
旁垂體備商角韻包宮羽橫却月於天漢寫迴風
於洛浦始聞絃之旣調乃長弄之徐撫應緩調之
踈節隨輕身之妙舞悲紫極之昭君泣烏孫之公
主季倫歡金谷之宴仲容暢竹林之聚至如七德
昭備六軍凱旋諧戎麾而威遠合金奏而功宣詠

燕山之已勒美瀚海之方鐫亦有飛梁邱遊楚館
聞促柱之再調聽鳴絃之疎彈叶高文而自飛遠
羽觴之舞筭又如長河草綠高樓月下入小苑而
看花遊上蘭而籍野泛澄波而轉鷁息長松而繫
馬臨清流而揮絃與殊方而俱寫其奇趣則抑揚
嘈噴聯綿斷續紆餘雙鵠之吟清壯三秦之曲望
南山之遙翠見西江之始綠少年有長命之詞倡
女有可憐之調願百齡兮眉壽重千金之巧笑逮
乎嘉賓既醉高宴將闕浮觴劇飲披襟極歡乃催
絃而急調交酬獻之無端若以河而注海亦杯來

而始彈蓋感物動神和心悅耳豈振木之爲輩奚
繞梁之足擬夫道以簡易爲尊物以精微爲貴嗟
四絃之已約乃包含於元氣叶笙鏞之律呂叅鍾
石之經緯於是鳳簫輟吹龍笛韜吟玄雲掩影白
雪藏音故以暢皇風之威武悅大雅之神心者也

獅子賦

惟聖皇之御曆乃承天而則大洽至道於區中被
仁風於海外通鳳穴以文軌襲龍庭以冠帶舍夷
言於藁街陳方物於王會眇眇地角悠悠嶂表有
絕域之神獸因重譯而來擾其所居也巖磴深阻

盤紆絕峻翠嶺萬重瓊崖千仞馬頓轡而莫外車
摧輪而不進伊方服之君長召積風而奉進爾乃
發烏戈過白狼踰絕巘跨飛梁越流沙而遙集超
積石而高驤其為狀也則筋骨糾纏殊文異質濶
臆脩尾勁毫柔毳鈎爪鋸牙藏鋒蓄銳弭耳宛足
伺間借勢暨乎奮鬣舐脣倏來忽往瞋目電曜發
聲雷響拉虎吞貔裂犀分象碎隨兕於斷齧握巴
虵於指掌踐籍則林麓摧殘哮呼則江河振蕩是
以名將假其容高人圖其質螫其威以陵厲美其
風而贊述鑒倚伏以榮身乃有識之高執彼白猿
之騁妙終取斃於弧矢雖玄豹之幽栖亦損軀於
巖趾並同亡而異術豈行藏之足紀何茲獸之明
智獨出處以殊倫雖奮武以馴摯乃知機而屈伸
去金方之僻遠仰玄風之至淳服猜心與猛氣遂
感德以依仁同百獸之率舞共六擾而來馴斯則
物無定性從化如神譬鱗羽變質於淮海金錫成
器於陶鈞當是時也兆庶欣矚百僚嘉歎悅聲教
之遐宣屬光華之在旦臣載筆以叨幸得寓目於
奇翫順文德以呈祥乃編之於東觀

五言雜詩

奉和月夜觀星應令

旦秋炎景暮初弦月彩新清風滌暑氣文露淨囂
塵蕩霧銷輕縠鮮雲卷夕鱗休光灼前耀瑞彩接
重輪緣情摛聖藻並作命徐陳宿草誠渝濫吹噓
偶縉紳天文豈易迷徒知仰北辰

奉和幸江都應詔

南國行周化稽山秘夏圖百王豈殊軌千載叶前
謨肆覲遵時豫順動悅來蘇安流泛玉軸戒道翼
金吾龍旗煥辰象鳳吹溢川塗封唐昔敷錫分陝
被荆吳沐道咸知讓遵儀允美都冬律初飛管陽
鴈正銜蘆嚴風肅林薄暖景淡江湖鴻私浹幽遠
厚澤潤凋枯虞琴起歌詠漢筑動巴歛多幸沾行
葦無庸類散樗

奉和長春宮應令

瑤山盛風樂南皮務逸游何如事巡撫民瘼諒斯
求文鶴揚輕蓋蒼龍飾桂舟汎沫縈沙嶼寒漸擁
急流路指八仙館途經百尺樓眷言昔遊踐廻駕
且淹雷後車喧鳳吹前旌映采旂龍驂駐六馬飛
閣上三休調諧金石奏歡洽羽觴浮天文徒可仰
何以廁琳球

結客少年場行

韓魏多奇節，倜儻遺名利。共矜然諾情，各負從橫意。
結交一言重，相期千里至。綠沉明月弦，金絡浮雲轡。
吹簫入吳市，擊筑遊燕肆。尋源博望侯，結客遠相求。
少年懷一顧，長驅背隴頭。啖啖霜戈動，耿耿虹劍浮。
風起龍沙暗，木落鴈門秋。天山冬夏雪，交河南北流。
輕生徇知己，非是爲身謀。

門有車馬客

財雄重交結，戚里擅豪華。曲臺臨上路，高軒抵狹斜。
赭汗千金馬，繡軸五香車。白鶴隨飛蓋，朱鷺入鳴笳。

夏蓮開劍水，春桃發綬花。高談辯飛兔，摛藻握靈蛇。
逢恩出毛羽，失路委泥沙。曖曖風煙晚，路長歸騎遠。
日斜青瑣第，塵飛金谷苑。危絃促柱奏巴渝。

遺簪墮珥，解羅襦如何自直。

道翻使谷名愚

從軍行二首

塗山烽候驚，弭節度龍城。冀馬樓蘭將，燕犀上谷兵。
劍寒花不落，弓曉月逾明。凜凜嚴霜節，冰壯黃河絕。
蔽日卷征蓬，浮天散飛雪。全兵值月滿，精騎乘膠折。
結髮早驅馳，辛苦事旌麾。馬凍重關冷，翰

摧九折危獨有西山將年年屬數奇
烽火發金微連營出武威孤城塞雲起絕陣虜塵
飛俠客吸龍劍惡少縵胡衣朝摩骨都壘夜解谷
蠡圍蕭關遠無極蒲海廣難依沙鐙離旌斷晴川
候馬歸交河梁已畢燕山旆欲飛方知萬里相候
服見光輝

出塞

上將三畧遠元戎九命尊緬懷古人節思酬明主
恩山西多勇氣塞北有遊魂揚桴上隴坂勒騎下
平原誓將絕沙漠悠然去玉門輕齎不違舍驚策
驚戎軒凜凜邊風急蕭蕭征馬煩雪暗天山道冰
塞交河源霧鋒黯無色霜旗凍不翻耿介倚長劍
日落風塵昏

詠日午

高天淨秋色長漢轉曦車玉樹陰初正桐圭影未
斜翠蓋飛圓影明鏡發輕花再中良表瑞共仰璧
暉賒

侍宴應詔得前字

芬芳禁林晚容與桂舟前橫空一鳥度照水百花
燃綠野明斜日青山澹晚烟濫陪終宴賞握管類

窺天

侍宴歸鴈堂

歌堂面渌水舞館接金塘竹開霜後翠梅動雪前
香鳧歸初可侶鴈起欲分行刷羽同棲集懷恩愧
稻梁

奉和出穎至淮應制

良晨喜利涉解纜入淮潯寒流泛鷁首霜吹響哀
吟潛鱗波裏躍水鳥浪前沉邗溝非復遠悵望悅
宸襟

奉和獻歲讌宮臣

履端初起節長苑命高筵肆夏喧金奏重潤響朱
絃春光催柳色日彩汎槐烟微臣同濫吹謬得仰
鈞天

發營逢雨應詔

豫遊欣勝地皇澤乃光天油雲陰御道膏雨潤公
田隴麥霑逾翠山花濕更燃稼穡良所重方復悅
豐年

凌晨早朝

萬戶宵光曙重簷夕霧收玉花停夜燭金壺送曉
籌日輝青瑣殿霞生結綺樓重門啓應路通籍引

王侯

賦得臨池竹

葱翠梢雲質垂彩映清池波泛含風影流搖防露
枝龍鱗漾嶰谷鳳翅拂漣漪欲識陵冬性唯有歲
寒知

幽山雨後應令

肅城隣上苑黃山邇桂宮雨歇連峯翠煙開竟野
通排虛翔戲鳥跨水落長虹日下林全暗雲收嶺
半空山泉鳴石澗地籟響崑風

追從鑾輿夕頓戲下應令

雲輪依紫極前耀奉丹霄天經戀宸扆常命扈仙
鑣乘星開鶴禁帶月下虹橋銀書含曉色金輅轉
晨颺霧徹軒雲近塵暗斗城遙蓮花分秀萼竹箭
下驚潮撫已慙龍幹承恩集鳳條瑤山盛雅樂抽
簡薦徒謠

擬飲馬長城窟

馳馬渡河干流深馬渡難前逢錦車使都護在樓
蘭輕騎猶銜勒疑兵尚解鞍温池下絕澗棧道接
危巒拓地勲方賞亡城律詎寬有月關猶暗經春
隴尚寒雲昏無復影冰合不聞湍懷君不可遇聊

虞世南集
持報一食

怨歌行

紫殿秋風冷彫薨落日沉裁紈悽斷曲織素引離
心掖庭若改畫長門不惜金寵移恩稍薄情踈恨
轉深香銷翠羽帳弦斷鳳凰琴鏡前紅粧歇階上
綠苔侵誰言掩歌扇翻作白頭吟

詠秋螢

的歷流光小飄颻弱翅輕恐畏無人識獨自暗中
明

蟬

垂綫飲清露流響出踈桐居高聲自遠非是籍秋
風

虞世南集終

許敬宗集

賦

麥秋賦應制

臣聞五土異宜四氣分序考宿麥於生類起嚴秋
於溽暑扇漸秀於梅風潤歧苗於穀雨于時陽翹
總暢陰呂潛生當隆曦之首節韞秋令之初萌雜
芸黃於綠野叅肅殺於朱明始自天而下降終因
地而斯成疇中氣爽壟際風清引神飈於綺殿指
明月於紈扇砌積玉兮疑冰庭飛花兮似霰矯微
陽於修景溽寒露於芳甸棟刻桂兮含井雕蓮

兮發絢雲標峯而勢詭氣澄商而節變若乃葉幄
垂秀條惟汎光鶯傳枝而裊娜蠶散葉而芬芳對
銀 而俚穗並金縷而分芒如炎炎之鑠石若懍
懍之 霜資高明以納豫順冲和以自芳非甘泉
而滌景異寒氣而浮凉却冰純於寶笥屏珍簞於
披香命載筆於蓬渚贊天文於栢梁幸千齡兮此
遇奉萬壽兮稱觴

掖庭山賦應詔

覽先哲之英華遊舊典之場圃善逾遠而斯應德
既昭而必輔見漢屏於睢陽驗周藩於有魯表商

丘而作鎮規楚室而興宇亦何代其無人諒吾王
之邁古於是命世作弼含章挺生允文允武惟誠
惟明聽甘棠之暇隙想叢桂之幽情瞰浮雲而志
遠坐寒井而神清乃命僕夫整駕山隅騰鳴笳於
通谷擁飛蓋於高衢逍遙仁智之境放曠道德之
區造中天而式宴陵倒景而為娛星懸珠網日對
金鋪雲承綺棟霓縈繡檻既而近矚玲瓏遠眺溟
濛隔翠微而半顯歷丹穴而纔通等玉京之仙化
侔銀關之神功于時百卉敷榮六合清朗霞淡水
而川媚風飄林而澗響聳絕壁之千尋掛懸流之

萬丈蔽日月而孤峙吐雲霓而秀上循折坂而遑
迴躡危嶠而來往鑿離暉於石鏡泫瑞露於雲掌
爾其花藥芬披蹊徑參差舒英冒渚擢幹臨崖乍
莽蒼而橫植忽丰茸而倒垂扇晨飈而裊裊含宿
霧而猗猗蔭町疇之毛群哢間關之羽族或相賀
於薨棟或競馳於原陸駒食藿而馴塲鶯含桃而
出谷德澤加於飛走榮光周於草木日云暮時稍
闌暢宸襟而體物紀盛跡以濡翰發詞林之筆藻
瀉筆海之波瀾命小臣而並作賦大雅而承歡辭
曰芳園兮鬱鬱高岫兮峨峨君王兮遊豫軒蓋兮
凌波懸清暉於日月同眉壽於山河

小池賦應詔

臣忝班下列胥宇上京欣託巢之有庇體墀戶之
全生爰鑿小池依干勝地引八川之餘滴通三涇
之洋溢慕鑿止而端形乃遊智而清志爾其潺湲
繞砌漱淡縈除擬高陽而不足比蹄涔而有餘遊
瑩劍之微鳥躍露鼎之纖魚若乃椅井傍通桃蹊
俯映仰天津兮共澹潔秋景兮俱淨倒列宿以疑

珠含望舒而似鏡覩江使之潛處翫波臣之沉泳
於是翻光甕牖漾影蓬門溜激石兮長嘯鳧鼓浪
兮相喧竹疑露而全弱荷因風而半翻足以澡瑩
心神澄清耳目對昆明而取喻况春蘭與秋菊不
羨寶於何宗豈希大於賜谷彼瑤池之高譙固幽
遠而空傳比切堂之信遠遂騰譽而聞天降臨澗
之睿藻連橫汾之曩篇何微生之一日荷大賚於
千年

歌器賦

臣聞人靈貴損天道忌盈朱火終而火景謝金波
滿而哉魄生察迤來於四序揆迭運於三精淺知
昧於成象通識鮮於未萌務循虛而守約處崇高
而慎傾爰製有卮勗茲居位藏丹楹之峻宇偶清
廟之彛器體虛舟之濔空鑒撲滿之延崇彼游鱗
之盤樂咸見亡於芒餌此貪夫之死權誠 駕於
明利唯達人兮服道執溫恭兮靜志居秦山以思
危騁高衢而不躋在大明之玄鑒猶垂旒以蔽聰
履克讓之貞吉尚養正以希蒙矧群材之小器忘
戒溢而虧冲悟負乘之必蹶敬循崖而飭躬由是
鳴謙君子卑以自牧如彼景山猶藏疾於林麓譬

諸巨海亦素王於百谷庶辭滿而常正固懷空而
靡覆若乃求中軌範流慶資源峰潤由於韜玉葉
茂本於身根草卷舒而不死木交讓以俱存梅飛
英而劍笑桃絢彩而無言燕迎秋兮遁跡鷺移春
兮息喧皆順序而行上得衆妙之玄門道雅合於
斯羸故保精而養魂

竹賦

惟修竹之勁節偉聖賢之留賞覽山經而述聽詠
周詩而遐想掩寰中而獨秀非庶物之所仰若夫
嶰谷著美稽山見知衛國之稱淇澳梁園之賦夾

池山陽之翻密葉江潭之竦喬枝雖有聞於在昔
諒無得而標奇乃徒植於廣庭爰移根於禁苑巨
藁草而東列遶醴泉而右轉修幹橫於松徑低枝
拂於蘭畹對紫殿之初旭臨丹樓而向晚望威鳳
而來儀佇化龍之爲遠爾乃春光變色夏景開叢
枝藏戲鳥葉間殘虹上便娟而防露下檀欒而來
風散歸雲之掩翳引落日之玲瓏雖復嚴霜曉結
驚飈夕扇雪覆層臺寒生複殿惟貞心與勁節隨
春冬而不變考衆卉而爲言獨最高於歷選

五言雜詩

安德山池宴集

戚里歡娛地園林矚望新山庭帶芳杜歌吹叶陽
春臺樹疑巫峽荷葉似洛濱風花縈少女虹梁聚
美人宴遊窮至樂談笑畢良晨獨歎高陽晚歸路
不知津

奉和執契靜三邊應詔

玄塞隔陰戎朱光分昧谷地遊窮北際雲崖盡西
陸星次絕軒臺風衢垂禹服寰區無所外天覆今
咸育竄苗猶有孽戮負自貽辜踈網妖覩漏盤藪
恠禽逋髯飛尚假息乳規慙稽誅乾靈振王弩神

略運璇樞日羽廓遊氣天陣清華野昇暄光西夜
馳恩溢惠瀉揮枝靜崑炎開關納流赭錦輅凌石
地華纓羈夷夏清臺映羅葉玄泚控瑤池駛鹿輸
珍貺樹羽饗來儀輟餽觀化宇栖籟萃條枝薰風
交閩闕就日泛濛漪充庭延飲至絢簡敷春藻迎
姜已創圖命力方論道昔託遊河再備商山皓
欣逢德化流思效登封草

奉和宴中山應制

飛雲旋碧海解網宥青山養 停八駿觀風駐五
牛張樂臨堯野揚麾歷舜州中山獻仙醕趙媛發

清謳塞門朱鴈入郊藪紫麟遊一舉氛霓靜千齡
德化流

奉和春日望海

韓夷憊奉賁憑險亂天常乃神弘廟畧橫海剪吞
航雷野清玄菟騰笳振白狼連雲飛日艦編石架
浮梁周遊臨大壑降望極遐荒桃門通山抃蓬渚
降霓裳驚濤含蜃闕駭浪掩晨光青丘絢青組丹
谷耀華桑長驅七萃卒成功百戰場俄且旋戎路
飲至肅巖廊

奉和入潼關

曦馭循黃道星陳引翠旗濟潼紆萬乘臨河耀六
師前旌彌陸海後騎發通伊勢踰迴地軸威盛轉
天機是節歲窮紀關樹蕩涼颺仙霧寒靈掌瑞鼎
照川湄冲襟賞臨睨高詠入京畿

奉和元日應制

天正開初節日觀上重輪百靈滋景祚萬土慶惟
新待旦敷玄造韜旒御紫宸武帳臨光宅文衛象
鈞陳廣庭揚九奏大帛麗三辰發生同化育播物
體陶鈞霜空澄曉氣霞景瑩芳春德暉覃率土相
賀奉還淳

奉和秋日即日應制

玉露交珠網金風度綺錢昆明秋景淡岐岫落霞
然辭燕歸寒海來鴻出遠天葉動羅帷颺花晚繡
衣鮮規空昇閣魄籠野散輕烟鵲度林光起鳧沒
水文圓無機落秋緯如管奏寒蟬乃睠情何極宸
襟豫有旃

奉和秋暮言志應制

秋深桂初發寒總菊餘菲波擁群鳧至秋飄朔鴈
歸月莢生還落雲枝似復非凝宸閣栖畝觀文佇
少微聖敬韜前哲先天諒不違

奉和喜雪應制

嶮州表竒 闕竹應遐巡何如御京洛流霰下天
津忽若瓊林曙俄同李徑春姑峯映仙質郢路雜
歌塵伏檻觀花瑞稱觴慶冬積飄河共瀉銀委樹
還重壁連山分掩翠綿霄遠韜碧千里遍浮空五
輒咸淪跡機前暉裂素池上伴凌波騰華承玉宇
凝照混金蛾是日松筠性欣奉栢梁歌

奉和過舊宅應制

飛雲臨紫極出震表青光自爾家寰海今茲反帝
鄉情深感伐國樂甚燕譙方白水浮佳氣黃星聚

太常參鳳鳴層閣艷雀賀雕梁桂山猶總翠蘅薄
尚流芳攀鱗有遺皓沐德抃稱觴

奉和儀鸞殿早秋

詞

睿想追嘉豫臨軒御早秋
岬麗粉壁清吹肅朱
樓高殿凝陰滿雕窓艷
小臣參廣宴大造諒

難酬

奉和初春登樓即日應詔

旭日臨重壁天眷極中京春暉發芳甸佳氣滿層
城去鳥隨看沒來雲逐望生歌裏霏烟颺琴上凱
風清文波浮鏤檻摘景煥雕楹璇璣體寬政隆棟

象端衡文規雖有作疑拱遂無管沐恩空改髮將
何謝夏成

奉和登陝州城應制

挹河激綠宇御溝 朱宮辰旂翻麗景星蓋曳雕
虹學嘖齊柳嫩妍笑發春蓂錦鱗文碧浪繡羽絢
青空眷念三階靜遐想二南風

奉和過慈恩寺應制

鳳闕鄰金地龍旂拂寶臺雲楣將葉並風牖送花
來月宮清晚桂虹梁絢早梅梵境留宸矚揆發麗
天才

奉和行經破薛舉戰地應制

混元分大象長策挫修鯨於斯建宸極由此創鴻
名一戎乾宇泰千祀德流垂衣凝庶績端拱鑄
群生復整瑤池駕還臨官渡營周遊尋曩迹曠望
動天情離宮面丹浦帳殿矚宛城虜場棲九穗前
歌被六英戰地甘泉涌陣處景雲生並天沾凱澤
相携欣頌平

奉和詠雨應詔

舞商初赴節湘燕遠迎秋飄絲交殿網亂滴起池
漚激雷分龍闕斜飛灑鳳樓崇朝方浹寓宸盼俯

凝旒

賦得歸

倦遊嗟落拓短翮慕追飛周醪忽同醉牙絃乃共
揮油雲澹寒色落景靄霜霏累日方投分茲夕諒
無歸

遊清都觀尋沈道

幽人蹈箕穎方士訪蓬瀛豈若逢真氣齊契無體
名旣詮衆妙理聊暢遠遊情縱心馳貝闕怡神想
玉京或命餘杭酒時聽洛濱笙風衢通閨苑星使
下層城蕙悵晨飈動芝房夕露清方叶棲遲趣於

此聽鐘聲

九日至微山亭

心逐南雲逝形隨北鴈來故鄉籬下菊今日幾花
開

送劉散賦得山樹鬱蒼蒼

喬木託危岫積翠繞連岡葉踈猶漏影花少未流
芳風來聞蕭蕭霧罷見蒼蒼此中餞行邁不異上
河梁

奉和聖製送來濟應詔

七言

萬乘騰鑣警岐路百壺供帳餞離宮御溝分水聲
難絕廣宴當歌曲易終興言共傷千里道俯迹聊
示五情同良哉既深留帝念沃化方有贊天聰

許敬宗集卷終

Blank manuscript page with vertical columns for text.



